

1989年1月10日，万恶的癌细胞夺去了郭在贻教授年轻的生命。他走得那样匆忙，他没能过上他五十周岁的生日就永远地离开了这个世界。

作者工作单位：四川大学中文系

（本文责任编辑：毛华轩）

杨士奇佚文《朱氏家谱序》

岁在庚申，余南游，舟次维扬。盐运耿君九畴招饮，朱戴绳祖在座。言其先世原籍紫阳婺源，老庄休宁为紫阳支派。嗣经元乱，宗谱无稽，乃奉迁阳之公迁公为鼻祖，创成谱帙。欲乞弁言于余，余因之有感慨焉。

自六朝以降，我华族之谱经厄劫者屡矣。司马阅墙，五胡云扰，神州陆沉，腥羶匝地，非我族类不可与居。其时衣冠大族如王谢者亦迁徙异地，而我华族之谱一劫。金狄内侵，孱王南渡。胡马猖狂，中原板荡。覆巢之下，势无完卵。其时巨室世家如李卢者流散遐荒，而我华族之谱再劫。及铁木帝中土一统，河山眴域，南北其遇。江南人士除不齿录，复存虐待。智者遭其猜忌，愚者任其虔刘。火炎昆冈，玉石俱焚，而我华族之谱三劫。

国朝扫平胡虏，净洗夷氛。寰海镜清，方隅砥平。士君子际会风云，相与竞禄位，鹜功名之不暇问，有从劫灰中收拾余烬，重修谱录上慰祖宗于九京，下定规模于百世者，无有也。有之，其朱戴一人乎！噫嘻！如朱戴者，其知敦所本与？本固枝荣，他日朱氏子孙之兴，正未有艾，是为序。正统五年岁在庚申。华盖殿大学士杨士奇撰。（《朱氏家谱》，石刻本，今存滨海县五汛医院朱乃中先生处）

•朱恒夫•